

**■ GLOSSA**

# Mancanza da parcs

DA SILVIO CAMENISCH

La futurologia demussa l'cleramain che nus barsegnain massa dapli parcs ils proxims onns. Nus avain betg mo memia paucs scolasts en diesch onns, cur che las armadas grondas, na, annadas grondas d'avant l'effect da la pirla van en pensiun, surtut avain nus massivas mancanzas da parcs en la cuntrada. I na dovra ni l'astrologa naziunala Elizabeth Teissier ni l'astrologa regionala, co ha'la schon num?, egal, per vesair en ch'ils parcs realisads u sin meglra via latiers na tanschan nagliur per tuts. Tuts èn blers, san ils allergichers da parcs e parcs, signur G. A. ed jau marmagnar tant sco el vulan.

Quels semperarmugns ston ins guidar cun persunas dal fatg tras ils parcs e mussar als lieus tge pussaivladads ch'ins ha, sto mo suandar correct las tavlas, avran els sezs ils eglis tschorvs e vesan e vegnan en luna da parcs. E tgi ch'è vegnì ina giada en luna da parcs e betg mo parcs, na survegn betg pli avunda! Quai sa ir uschè lunsch ch'ì dat londeror vairas obsessiuns. Cun obsessiuns n'èsi betg da far spass en glossas e gossas, sin quint da lecturs sensibiluns, ch'els na s'empon crai jau betg sezs.

Tge aveva gia noss missiunari irlandais, Sigisbert en Rezia, fatg sco



segund emprim, sunter l'emprim l'uraziun? Tschertgà cun ils dus giuvens in lieu adattà per ina simpla chamona cun roma da pign, cuntut tant sco mess fundament per in parc Desertina e da quel profitain anc oz. Il missiunari, um da vasta eglia, ha vis da ses temp ch'ì saja in basegn dal temp, e betg mo dal temp, schon segir dal lieu da realisar insatge uschia, ed era betg hotelier u turisticher! En mintgas ha el gì ina strategia da svilup durabel gia quella giada, quai ch'el ha realisà.

Hoteliers e turisticchers Hactuals mettan tut, sch'ì faschess basegn la vita, sin parcs cun strategias da svilup durabel. Promoziun persistenta dal turissem da parcs, nachhaltige Parktourismusförderung èn slogans topactuals en tuttas ureglias. Ed ils dretgs slogans plazzads il dretg temp tar ils dretgs en la dretga sesida èn quels che portan insatge! En quels gremis dessan er ils allergichers chau e

tgil als experts ch'ì dettia en diesch onns acuta mancanza da parcs en il Grischun, sch'ins na realiseschia betg subit novs.

Sacra, nua realisain e smettain nus tuts quels? La natira libra schloppa las cusadiras da novs parcs en parcs vegls existents. Ussa fiss il mument da vegnir cun in catalog da parcs u existents u planisads en noss chaus davos. Sto il mainachavattera Pauli A. anc vegnir a chavar il fundament per la chasa dal parc – gist è el cun dunna si qua a Berna. Parc d'atmosfera. Parc da biosfera. Parc da divertiment. Parc da raiver sin sugas autas. Parc da raiver sin sugas pli autas. Parc natiral d'uraziun. Parc natiral da recreaziun. Parc dals senns. Parc dals nunsenns. Parc dals Clemens. Parc dals Prudenzs. Parc d'ultrists. Parc da separatists. Parc dals Pro Idioms (tranteren autstudegiads pro RG da l'emprima ura notabene e schon siglids giu da la nova puspè si a l'ex, qua vegn jau betg sunter!).

En proxims onns stuain equintar ch'ì creschia siador ina generaziun creschida siador en in sistem ferm individualisant en tuttas scolas fundamentalas. Quella generaziun na sa cuntenta betg pli cun parcs per tuts. Jau vi mes parc! Survegn jau betg subit mes parc, fatsch jau il sturn! Zup insanua bum-bas da parc!